



Na osnovu člana 41. stav (1) Zakona o izvršavanju Budžeta Unsko-sanskog kantona za 2021. godinu („Službeni glasnik Unsko-sanskog kantona“, broj: 10/21), Programa poticaja razvoja male privrede za 2021. godinu, broj: 03-017-2942/2021 od 06.05.2021. godine i Odluke o usvajanju Programa utroška sredstava "Subvencije preduzećima i poduzetnicima" iz Budžeta Unsko-sanskog kantona – Ministarstva privrede za 2021. godinu, broj: 03-017-2944/2021 od 06.05.2021. godine, Ministarstvo privrede objavljuje:

JAVNI POZIV

za izbor banke za plasman posebne kreditne linije uz subvencioniranje dijela kamatne stope

Pozivaju se poslovne banke da dostave ponudu za: " Plasman posebne kreditne linije subjektima male privrede sa područja Unsko-sanskog kantona uz subvencioniranje dijela 12-to mjesečnih troškova kamatne stope iz sredstava Budžeta Unsko-sanskog kantona-Ministarstva privrede za 2021. godinu". Sredstva za realizaciju kreditne linije uz subvenciju dijela troškova kamate obezbjeđena su u Budžetu Unsko-sanskog kantona za 2021. godinu, na poziciji Ministarstva privrede-ekonomski kod 614500 - "Subvencije preduzećima i poduzetnicima". Prilikom odabira banke posebno će se cijeliti:

- a) Visina finansijskih sredstava za kreditnu liniju
- b) Visina kamatne stope na:
 - kreditna sredstva za investicione programe u proizvodnji
 - kreditna sredstva za ostale djelatnosti i namjene
- c) Visina troškova obrade kredita
- d) Broj uspješno implementiranih kreditnih linija na području Federacije BiH ili Unsko-sanskog kantona čiji su karakter i kompleksnost slični onima koji se odnosi na ovaj Javni poziv.

I - PREDMET POZIVA

- a) Predmet Javnog poziva je prikupljanje ponuda za izbor banke – plasman posebne kreditne linije uz subvencioniranje dijela kamatne stope subjektima male privrede sa područja Unsko-sanskog kantona. Ministarstvo privrede je obezbijedilo sredstva za subvencioniranje dijela kamatne stope u Budžetu Unsko-sanskog kantona, a banka će obezbijediti kreditna sredstva subjektima male privrede. Ugovorom između Ministarstvo privrede i odabrane Banke će se regulisati pravo podnošenje prijave za kreditna sredstva iz ove kreditne linije, visina kreditnih sredstava, visina i način realizacije dijela subvencionirane kamatne stope, te način monitoringa i izvještavanja Ministarstva privrede o korisnicima ove kreditne linije.

Krajnji rok za realizaciju Ugovora je 31.12.2022. godine.

- b) Pojam subjekti male privrede podrazumjeva fizička i pravna lica definisana Zakonom o poticaju razvoja male privrede („Službeni glasnik Unsko-sanskog kantona“, broj:19/11).
- c) Sredstva se neće odobravati za projekte iz slijedećih djelatnosti: proizvodnju oružja i vojne opreme, proizvodnju duhanskih proizvoda i alkoholnih pića, otvaranje kasina i drugih igara na sreću.

II - OBAVEZE BANKE

- a) Obaveza Banke je da nakon zaključivanja Ugovora sa Ministarstvom objavi Javni poziv za plasman posebne kreditne linije uz subvencioniranje dijela kamatne stope.
- b) Prijave sa potpunom i potrebnom dokumentacijom podnose se Banci.
- c) Javni poziv za plasman posebne kreditne linije uz subvencioniranje dijela kamatne stope je otvoren do iskorištenja sredstava iz tačke I ovog poziva, a najkasnije do 31.12.2022. godine.
- d) Banka razmatra zaprimljene prijave aplikacija u skladu sa Ugovorom i Javnim pozivom, te provodi druge aktivnosti u skladu sa aktima i procedurama Banke.

- e) Banka donosi Odluku o izboru korisnika sredstava i zaključuje Ugovore sa korisnicima kreditnih sredstava, a jedan primjerak tih ugovora dostavlja Ministarstvu.
- f) Odobreni kredit po jednom korisniku ograničava se iznosom do 1.000.000,00 KM (slovima: jedanmilion KM) sa rokom otplate u zavisnosti od vrste i visine kreditnog zahtjeva do maksimalno 84 mjeseca, uz mogućnost grace perioda do 6 mjeseci za dugoročna finansiranja. Ukoliko korisnik realizuje dva ili više kredita imat će pravo na subvencioniranje dijela kamata na zbir kredita koji ne prelazi iznos od 1.000.000,00 KM (slovima: jedanmilion KM).
- g) Banci pripada kamata po odobrenim kreditima, troškovi obrade kredita, provizija za prijevremeni povrat kredita, kao i ostali troškovi koje snosi korisnik kredita.
- h) Banka u potpunosti snosi rizik naplate odobrenih kreditnih sredstava - glavnice i ukupne pripadajuće kamate.
- i) Banka se obavezuje da će vršiti monitoring korisnika sredstava u djelu namjenskog korištenja kreditnih sredstava, te da će Ministarstvu dostavljati izvještaj o realizaciji na mjesečnom nivou, sa svim potrebnim podacima. Za tačnost informacija iz izvještaja i dostavljenih dokaza garantuje Banka.
- j) U slučaju da Banka utvrdi nenamjenski utrošak sredstava od strane korisnika sredstava ista je u obavezi pismeno obavijestiti Ministarstvo radi regulisanja načina povrata subvencionirane kamatne stope.

III – KRITERIJI ZA IZBOR BANKE, OCJENA I IZBOR PONUDE

- a) Kriteriji za ocjenu ponude su:
 - 1. Visina sredstava za kreditnu liniju.....učešće 15%max. 15 bodova
 - 2. Visina kamatne stope
 - kreditna sredstva za investicione programe u proizvodnjiučešće 40%max. 40 bodova
 - kreditna sredstva za ostale djelatnosti i namjene.....učešće 30%max. 30 bodova
 - 3. Visina troškova obrade kreditaučešće 5%max. 5 bodova
 - 4. Broj uspješno implementiranih kreditnih linija na području Federacije BiH ili Unsko-sanskog kantona čiji su karakter i kompleksnost slični onima koji se odnosi na ovaj Javni poziv.....učešće 10%max. 10 bodova.
- b) Izbor banke za plasman posebne kreditne linije provodi Komisija koju imenuje ministar Ministarstva.

Sve banke, učesnice na javnom pozivu, će biti obaviještene o odluci i rezultatu postupka izbora banke, u roku od 5 dana (pet) dana od donošenja odluke.

Ugovor se dodjeljuje Banci koja je u skladu sa navedenim kriterijima dostavila najpovoljniju ponudu, odnosno koja je ostvarila najveći broj bodova. U slučaju da dvije ili više banaka nakon ocjenjivanja ostvare isti broj bodova prednost u odabiru imat će banka koja je ponudila manju kamatnu stopu za investicione programe u proizvodnji. U slučaju da i nakon ovako provedene procedure banke imaju isti broj bodova zadržava se diskreciono pravo odabira banke.

IV – USLOVI ZA UČEŠĆE I POTREBNA DOKUMENTACIJA

Opća dokumentacija:

- a) Aktuelni izvod iz sudskog registra, ne stariji od 3 mjeseca;
- b) Dokaz o dozvoli za rad (licenca) od Agencije za bankarstvo Federacije BiH;
- c) Certifikat Agencije za osiguranje depozita;
- d) Uvjerenje o poreznoj registraciji (ID broj) i Uvjerenje o registraciji obveznika indirektnih poreza (PDV broj);
- e) Dokaz o Adekvatnosti kapitala na dan 31.12.2020. godine koji ne smije biti manji od 14%;

- f) Uvjerenje o izmirenim porezima i doprinosima kojima se potvrđuje da se uredno izmiruju direktni porezi, doprinosi za PIO/MIO i zdravstveno osiguranje izdato od Porezne uprave Federacije BiH ne starije od tri mjeseca od dana podnošenja prijave;
- g) Uvjerenje nadležnog suda ili organa uprave kod kojeg je ponuđač registrovan kojim se potvrđuje da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti, u skladu sa važećim propisima u Bosni i Hercegovini;
- h) Izjava da visina kapitala na dan 31.12.2020. godine nije manja od 100 miliona KM, i
- i) Kompletan set finansijskih izvještaja u skladu sa Odlukom u formi izvještaja koje banke dostavljaju Agenciji za bankarstvo za 2020. godinu (pozitivno poslovanje banke u 2019. i 2020. godini).

Posebna dokumentacija:

Potvrda ili dokaz o uspješnom iskustvu u realizaciji ugovora čiji su karakter i kompleksnost slični onima koji se odnose na ovaj Javni poziv.

Napomena: Sve kopije dokumenata koje se prilažu moraju biti ovjerene od strane nadležnog organa uprave ili notara, ovjerom ne starijom od 30 dana, računajući od dana objave

V – MJESTO I NAČIN PODNOŠENJA PONUDE

Ponuđač dostavlja ponudu u originalu i podnosi je u zatvorenoj koverti neposredno na protokol Vlade Unsko-sanskog kantona ili preporučeno putem pošte. Na prednjoj strani koverte, mora biti navedeno:

Ministarstvo privrede Unsko-sanskog kantona

Alije Đerzeleza br.2. 77 000 Bihać

**Sa naznakom: „PRIJAVA PO JAVNOM POZIVU ZA IZBOR BANKE ZA PLASMAN
POSEBNE KREDITNE LINIJE UZ SUBVENCIONIRANJE DIJELA KAMATNE STOPE“
„NE OTVARAJ“**

Na poledini koverte obavezno se navodi: naziv podnosioca ponude, adresa i kontakt telefon, te se ovjerava pečatom ponuđača. Ponuda se čvrsto uvezuje na način da se onemogući naknadno vađenje ili umetanje listova. Stranice ponude se označavaju brojem na način da je vidljiv redni broj stranice.

Ponuda mora biti zaprimljena u Ministarstvu privrede do datuma navedenog u Javnom pozivu. Sve ponude zaprimljene nakon tog vremena su neblagovremene i kao takve neotvorene će biti vraćene ponuđaču.

VI - ROK ZA PODNOŠENJE PONUDA NA JAVNI POZIV

Rok za dostavljanje ponuda je 20 dana od dana objave Javnog poziva u jednom dnevnom listu na području Federacije BiH i na web stranici Vlade Unsko-sanskog kantona. Prijave primljene nakon isteka roka neće biti uzete u razmatranje.

VII - OSTALE ODREDBE

U postupku po Javnom pozivu Ministarstvo privrede Unsko-sanskog kantona ne snosi nikakve troškove učesnika Javnog poziva, te zadržava pravo da poništi Javni poziv ili da odbaci sve ponude u bilo koje vrijeme prije zaključivanja Ugovora. Ministarstvo privrede ne snosi odgovornost prema učesnicima Javnog poziva u pogledu aktivnosti koje su preduzeli u cilju apliciranja.

Sve dodatne informacije vezane za Javni poziv mogu se dobiti svakim radnim danom putem telefona 037/316 033 ili na e-mail privreda@vladausk.ba.